

## SCRIPT OF MORNING GOJRI NEWS BULLETIN 10JULY 1015 HRS

مارننگ گو جری نیوز بلیٹن مورخہ 10 جولائی 2025

\*\*\*\*\*

یوہ آکا شوانی جموں ہے محمد اکرم تیں خبر سُنو۔

\*\*\*\*\*

### PM NAMIBIA PARL

وزیر اعظم نریندر مودی نے نمیبیا کی پارلیمنٹ نال خطاب کیو اُنہاں نے اپنی پہلی خاتون صدر منتخب کرن ور افریقی قوم کی تعریف کی تے اُس نانہ ایک تاریخی لمحہ تے جمہوری اقتدار کی مضبوطی کو ثبوت قرار دتو اس عہدہ ور فائڈو پہلی قبائلی خاتون بھارتی صدر درویدی مرمو گو حوالہ دیتا واں جناب مودی نے پسماندہ لوکاں نانہ باختیار بنان واسطے آئینی جمہوریت کی طاقت ور زور دتو۔ اپنا خطاب گے دوران وزیر اعظم نے اس گل ور لوکھلی کہ بھارت تے نمیبیا مضبوط جمہوری نظریات تے اقتدار سانجھ کریں اُنہاں نے نمیبیا کا بانی ڈاکٹر سام نوجوما کی میراث نانہ وی یاد کیو دریں اثنا وزیر اعظم نریندر مودی نے گھانا برازیل تے نمیبیا سمیت 5 ملکاں کا کامیاب دورہ نانہ افتتاح پزیر کیو۔

\*\*\*\*\*

### CM KOLKATA VIST

وزیر اعلیٰ عمر عبداللہ گو اج اپنی مغربی بنگال ہم منصب ممتا بنرجی نال مشرقی ریاست گلی سیکریٹریٹ مانہ ملاقات متوقع ہے واضع رہ جے وزیر اعلیٰ عمر عبداللہ سیاسی میلہ مانہ شرکت واسطے کلکتہ گا دورہ ور ہیں ملاقات گے دوران جس راہ ریاستی افسراں نے دسیو ہے کہ دوان رہنما ممکنہ طور پر پارلیمنٹ گا آئندہ اجلاس واسطے حزب اختلاف کی حکمت عملیاں ور گل بات کرسکیں وزیر اعلیٰ عمر عبداللہ ممتا بنرجی نال ملاقات کرسکیں مغربہ بنگال گا ایک سننیر عہد دار نے کیو ہے کہ یاه ایک شائستہ ملاقات ہے 22 اپریل نانہ پہلگام دہشتگردانہ گے بعد دواں وزرائے اعلیٰ گے درمیان یہ پہلی ملاقات وے گی کولکتہ پُجن ور جد میڈیا آلاں نے وزیر اعلیٰ توں جموں کشمیر کی صورت حال گ ابارہ مانہ پچھو تے اُن نے کہیو جہ جموں کشمیر مانہ حالات بہتر ہو رہیا ہیں تے سیاحاں کی آمد مانہ وی اضافو ہو رہیو ہے۔

\*\*\*\*\*

### AGRI MIN IRRIGATION

زرعی پیداوار گا وزیر جاوید احمد ڈار نے کل سول سیکریٹریٹ سرینگر مانہ ایک اہم اجلاس کی صدارت کی تانجے جموں کشمیر گا برساتی علاقاں مانہ آبپاشی کی سہولیات غو جائیزو لیو جاسکے تے بہتری واسطے اقدامات ور غور کیو جاسکے۔ اجلاس مانہ موجودہ صورتحال غو جائیزو لیو گیو۔ تے کساناں نانہ فائڈو پُجان واسطے آبپاشی گا ڈھانچہ ت پانی کا نظام نانہ بہتر بنان کی حکمت عملیاں ور تبادلہ خیال کیو گیو۔ وزیر موصوف نے متعلقہ افسراں نانہ ہدایت دتی کہ جدید آبپاشی ٹیکنالوجی نانہ اپنان پانی ذخیرہ کرن تے تقسیم کا نظام نانہ بہتر بنان تے پانی کا تحفظ کا اقدامات نانہ فروغ دین جیسا عملی حل تلاش کریں اُنہاں نے کہیو کہ حکومت شرعی شعبہ نانہ مضبوط بنان واسطے خاص طور ور برساتی علاقاں مانہ آبپاشی کی سہولیات نانہ بہتر بنان واسطے پُر عزم ہے۔

\*\*\*\*\*

### AMARNATH YATRA

ایک ہور قافلہ مانہہ 7307 یاتری نے اج سویرے جموں غا بھگوتی نگر بنیادی کیمپ تیں وادی کشمیر واسطے روانگی کی تانجے وے امرناتھ گپھا غی یاترا کرسکیں یت یاتری 284 گڈیاں ور مشتمل قافلہ مانہہ روانہ ہوا ہیں ان انہہ 5534 مرد 1586 خواتین 25 بچہ 138 سادھو تے 24 سادھوی شامل تھا۔ ان وچوں 3081 یاتری سویرے 3:15 بجے بالٹال بنیادی کیمپ واسطے روانہ ہوا تے 4226 یاتری سویرے 3:58 بجے پہلگام بنیادی کیمپ واسطے روانہ ہوا، جتوں وے اگے گپھا در روانہ ویں غا۔

\*\*\*\*\*

## CS BASE CAMPS VISIT

چیف سیکرٹری اٹل ڈلو نے کل نن وان تے چندن وادی بنیادی کیمپ غو دورو کیو تانجے جاری امرناتھ یاتر 2025 غے دوران کیا گیا انتظامات غو جائیزو لیو جاسکے اُنہاں نے سول انتظامیہ پولیس حفاظتی دستاں امرناتھ شرائینبورڈ تے دیگر محکمہ گا اعلیٰ افسراں غے نال ایک اعلیٰ سطحی اجلاس غی صدارت کی تانجے یاتریاں نانہہ دتی جان آلی سہولیات غو جائیزو لیو جاسکے۔ چیف سیکرٹری نے حفاظتی انتظامات اہلکاراں غی تعنیتی نگرانی غا اقدامات تے ٹیکنالوجی ور مبنی نظام جیسا چہرہ نانہہ پہچانن آلی مشین تے سی سی ٹی وی نگرانی غو تفصیلی جائیزو لیو اس تیں بعد اُنہاں نے نن وان بنیادی کیمپ غو دورو کیو تے مختلف شراکت داراں تیں ملاقات کی بعد مانہہ وے چندنوادی بنیادی کیمپ وی گیا جت اُنہاں نے طبی سہولیات غو معائنو کیو۔

\*\*\*\*\*

## TC BALTAL VISIT

آمدرفت بارے کمشنر وشیش پال مہاجن نے کل امرناتھ یاترہ گا رستاں مانہہ اہم مقامات گو دورو کیو تانجے آمدرفت انتظامات تے بکھبکھ ایجنسیاں گے درمیان تال میل گو جائیزو لے سکیں اس دورہ گے دوران اُن نے بالٹال تے ڈومیل بنیادی کیمپ گو معائنو کیو نال ہی کیمپ ڈائریکٹر دومیل او سی بیاکن ایس ایس پی ٹریفک تے ایس ایس بی گا عہدے داراں غے نال ایک اعلیٰ سطحی میٹنگ کی میٹنگ گو خاڈ دھیان گڈیاں گی نقل و حمل نانہہ ہموار کرنو سڑک حفاظت نانہہ یقینی بنانو تھو۔

\*\*\*\*\*